

Broj: 03-02-744/2016
Sarajevo, 24.6.2016. godine

**PARLAMENT FEDERACIJE
BOSNE I HERCEGOVINE**

- Predstavnički / Zastupnički dom -
gosp. Edin Mušić, predsjedavajući

Bosna i Hercegovina
**FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO**

PRIMLJENO: 28-06-2016				
Organizac. jedinica	Klasif. grupa	Broj i godina	Vrijednost	Priloga
01	L	02 -	1124/16	

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 165. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama i dopunama Zakona o registraciji poslovnih subjekata u Federaciji Bosne i Hercegovine, čiji je predlagač Faruk Čupina, poslanik u Predstavničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 59. sjednici, održanoj 24.6.2016. godine.**

S poštovanjem,



PREMIJER

Fadih Novalić

Prilog: kao u tekstu

**Cc: Federalno ministarstvo pravde
gosp. Mato Jozić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa članom 165. stav (4) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), nakon razmatranja Prijedloga zakona o izmjenama i dopunama Zakona o registraciji poslovnih subjekata u Federaciji Bosne i Hercegovine, čiji je predlagač Faruk Čupina, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine je, na 59. sjednici, održanoj 24.6.2016. godine, utvrdila sljedeće

MIŠLJENJE

Kao osnovni cilj predloženih izmjena i dopuna Zakona o stvarnim pravima navedena je implementacija Presude Ustavnog suda Federacije BiH, broj: U-15/10 od 2.12.2015. godine, kojom je utvrđeno da član 6. stav 1., u dijelu koji glasi: „kao i lice koje ispunjava pretpostavke iz stava 2. ovog člana“ i stav 2. istog člana, te čl. 27. i 73. Zakona o notarima („Službene novine Federacije BiH“, broj 45/02), nisu u skladu sa Ustavom Federacije BiH.

S tim u vezi, ističemo da su navedenom Presudom proglašene neustavnim određene odredbe Zakona o notarima, a da je u obrazloženju iste rečeno da se obavezna notarska obrada isprava utvrđena u članu 73. Zakona o notarima, koji je proglašen neustavnim, proteže i na druge zakone, pa i Zakon o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05 i 43/09). Shodno navedenom, stava smo da pristup provođenju predmetne presude mora biti sistemski i detaljan, što znači da zahtijeva pomnu analizu načina njenog provođenja obzirom da se radi o proglašenju četiri člana Zakona o notarima neustavnim, a pri tome se sistemski utiče na cjelokupan koncept Zakona o notarima i time u potpunosti odstupa od dosadašnjeg koncepta notarske službe u Federaciji BiH.

Zakon o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05 i 43/09) sadrži rješenja urađena u skladu sa važećim Zakonom o notarima, a koji mora biti usklađen sa Presudom Ustavnog suda sistemski, što podrazumijeva rad na kompletnom zakonskom tekstu ili velikom broju odredaba. Nakon, adekvatne provedbe Presude Ustavnog suda Federacije, može se pristupiti korekciji drugih zakona na koje se implicira primjena Zakona o notarima. Također, osnivanje i registracija poslovnih subjekata zahtijeva određeni stepen pravne sigurnosti pa je shodno tome bilo neophodno dati detaljno obrazloženje pojedinih zakonskih rješenja uz poseban akcenat na vrsti ovjere koja se zahtijeva na osnivačkim aktima poslovnih subjekata i statutima poslovnih subjekata.

Naime, uvođenje pojma kao što su „notarska ili sudska ovjera“ mora biti jasno precizirano u zakonskim odredbama u smislu kako i na koji način se vrši navedena ovjera, posebno zbog činjenice da predlagač zakona smatra kako navedene akte mogu raditi i lica „diplomirani pravници zaposleni u subjektu upisa“. Dakle, samim tim stvara se mogućnost da zbog neprofesionalno urađenih poslova iz predmetne oblasti, postupak registracije pred

sudom bude znatno otežan, jer sama ovjera potpisa (što pretpostavljamo da je namjera predlagača) ne garantuje i sadržajnu ispravnost ovih akata.

Dakle, stava smo da se prilikom rada na pravnim poslovima koji se odnose na osnivanje poslovnih subjekata, mora obezbijediti veća pravna sigurnost, olakšati rad sudovima a što će svakako biti predmetom pomne analize provođenja predmetne Presude u pravcu sistemskog uređenja rada kako notarijata, tako i advokatske službe i nadležnosti sudova.

Također, treba istaći da će sva ponuđena rješenja iz dostavljenog prijedloga biti uzeta u obzir, prilikom izrade novog zakonskog teksta od strane Federalnog ministarstva pravde.

V. broj: 1362/2016
24.6.2016. godine
Sarajevo



PREMIJER

Fadil Novalić
Fadil Novalić